

¡BOMBA!

Dirán que hay fines grotescos con esta recaudación; ¿Cuánto impacta en nutrición el fumar y los refrescos?



K'intsil

Miércoles 10 de septiembre de 2025

CAMPECHE · YUCATÁN · QUINTANA ROO · AÑO 11 · NÚMERO 2561 · www.lajornadamaya.mx



María Luisa Castro, chíimpol'ta'ab yéetel XVIII Premio Internacional de Poesía del Mundo Maya

/ p 18

Oochel Cultura Campeche

U méek'tankaajil Calkiní, ikil múul meyajnaj yéetel Instituto de Cultura y Artes ti' u noj lu'umil Kaanpeche', tu k'ubaj XVIII Premio Internacional de poesía del Mundo Maya "Waldemar Noh Tzec 2025", tu'ux ku chíimpol'ta'al k'a'anan t'aano'ob péektsiltik yéetel kaláantik u noj ba'alil miatsil te'el lu'umo'.

Tu súutukil úuchik u k'u'ubul chíimpolale', táakpaj u máakilo'ob

u yóox jaatsil meyaj jala'ach: máax jo'olbesik Instituto de Cultura y Artes del Estado de Campeche, Mónica Alejandra Sosa Rodríguez; jka'ansaj Gaspar Ariel Herrera Farfán, máax jo'olbesik Gobernación, ti'al u chíikbesa'al u jala'achil kaaj, Milton Ulises Millán Atoche.

Te'el ja'aba', náajalta'ab chíimpolal tumen María Luisa Castro González, juntúul

xcontadora jubilada, tanatóloga yéetel xts'iib síij tu kaajil Ticul, Yucatán. Meyaj chíimpol'ta'abe' ku k'aaba'tik Ooken xiímbal tin wotoch, tu'ux ku noj ba'alkúunsa'al k'a'ajesajil, ool yéetel miatsil.

Chíimpolale' jk'u'ub le 29 ti' agosto máaniko', tu kúuchil Teatro de la Ciudad "Pedro Raúl Cárdenas Suárez", ts'o'oke' beeta'ab xan u cha'anil tu'ux táakpaj Charanga Infantil-Juvenil "Balché" yéetel

Grupo Jaranero de la Casa de Cultura de Dzitbalché.

Le ja'ab máaniko', chíimpol'ta'ab Sasil Sánchez, máax xan ku beetik u editorail K'intsil méek'a'an tumen La Jornada Maya. Beey túuno', te'el ja'aba', u yóoxp'éelil u náajalta'an tumen yucatánilo'ob, ba'ale' te'el ketlamila' ku béeytal u táakpajal máaxo'ob yaan Kaanpech, Quintana Roo yéetel Yucatán, ba'ale' beyxan wíinik yaan Guatemala, Honduras yéetel El Salvador.